

06. november

UKA2018/43

Ujaqqanik pinneraasiornermik ingerlatsisut misilittagaannik ilanngussisumik nassuiaammik, inuussutissarsiornermik ingerlatsereersut akornanni, aallartitsisussani kiisalu annikitsumik aatsitassarsiornermik akuersissutinik piginnittut nalilinnik annertunerusumik kaaviiartitsinissamut sulisuminnillu amerlisaanissamut aqqissuussaannikkut aammalu inatsisitigut aporfissat suunerannik kingusinnerpaamik UKA2019-imi Naalakkersuisut saqqummiussinissaat pillugu Inatsisartunut aalajangiiffigisassatut siunnersuut. Aporfittut suussusersineqartut qanoq ililluni piujunnaartinnissaannut sapinngisamilluunniit aporfiiit annikinnerpaamiitinnissaannut siunnersuummik nassuiaat imaqassaaq.

Siumumiit siunnersuuteqartoq Aqqaluaq B Egede inuit ataqatigiinneersoq imatut oqaaseqarfigissavarput.

Siumumiit nuaannaarutigivarput siunnersuuteqartoq Kalaallit nunatta sukarsuit sisamaasut akornanni eqqartortakkatta ilaanni nalunaarusiornissamik periarfiit pitsanngornissaannik aqqutissaasunik ikiuutaasinnaasunillu inerisaanissamut siunnersuuteqarmat.

Siumumiit nunatsinni ineriartorneq ujaqqat illernartut pillugit tamaviaarluta tapersorsorparput. Periusermi Kalaallit Nunatta namminiilivinnissatsinnut aqqutit pingaarutit ilagilluinnaraat Siumumiit isumaqarfigivarput.

Naalakkersuisut pilersaarutiminnik saqqummiinerat assut Siumumiit pitsaasutut nalilerparput, uani eqqaammassuk qaammat tulliuttoq tassa decemberimi annikitsumik aatsitassarsiornermik samminnittunut seminar-reqartitsiniarlutik Nuummi ingerlanneqartussamik. Pisussamullu Siumumiit neriulluarpugut, pisussarmi siulliunalilu kingulliusussaannngimmat. Siumumiimmi oqareennittut nunatsinni isumalluutit ilaat ujaqqanik pinneraasiornissamik suliaqarneq siuarsartuartaariaqarnera pingaartittuurtuuarput.

Taamatut naatsumik oqaaseqarluta siunnersuuteqartup siunnersuutaa ilalerlugu ataatsimiititaliamut susassaqartumut ingerlateqqipparput kissaallugillu sulilluarnissaannik.

Oqallilluarisilu

Mala Høy Kuko, Siumut